

Junh 2024

n° 314



# La Letra Mesadièra

DE L'INSTITUT D'ESTUDIS OCCITANS D'ARIÈJA

11, car. Enric Fabre 09100 PÀMIAS  
05.81.06.03.88/ieo09@orange.fr  
<http://arieja.ieo-opm.com/>

## LO MOT DE LA PRESIDENTA DE L'IEO D'ARIÈJA

### AGENDA

#### Emissions de ràdio

**Cada jorn a 12h32 e 18h52** – De còr e d'òc sus Radio Transparence 93.7 FM

**Cada dimars de 19h00 a 20h00** - Era votz dera montanha sus Radio Couserans 94.7 FM

#### Corses e Talhièrs

**Le diluns de 9h30 a 11h00** a Pàmias (Espaci occitan) - Cors d'occitan debutants.

**Le dimars de 14h00 a 15h30** a St Joan del Falgar (Ostal de las associacions) – Talhièr d'occitan totes nivèls.

**Le dimars de 17h00 a 18h30** a Foish (Le Léo) - Cors d'occitan totes nivèls.

**Le dimèrcres de 15h30 a 17h30** al Fossat (sala multimèdia/Versalhas) - Talhièr d'occitan totes nivèls.

**Le dimèrcres de 17h00 a 18h30** a St Guironç (Ostal de la Ciutadanetat) - Cors d'occitan debutants.

**Le dimèrcres de 18h30 a 20h00** a St Guironç (Ostal de la Ciutadanetat) - Cors d'occitan confirmats.

**Le dijòus de 9h30 a 11h00** a Pàmias (Espaci occitan) - Cors d'occitan confirmats.

**Le dijòus de 14h00 a 16h00** a L'Avelhanet (Centre multiespòrts) - Cors d'occitan totes nivèls.

Contacte : 05.81.06.03.88 o [ieo09@orange.fr](mailto:ieo09@orange.fr)

**05 e 19/06/2024 a 18h30** a Pàmias (Espaci occitan) - Talhièr de convèrsa animat pel Cercle occitan Prospèr Estieu. Contacte : 05.81.06.03.88 o [ostaloc09@orange.fr](mailto:ostaloc09@orange.fr)

#### Animacions

**Cada dijòus de 18h00 a 19h30** a Foish (al « 36 » - 5, plaça del 8 de mai 1945) – Parladiça en occitan animat per Marielle Sicre. A gratis. Contacte : 06.69.99.33.21 o [marielle.sicre@icloud.com](mailto:marielle.sicre@icloud.com)

**01/06/2024 a 21h00** a Oelhons (Sala de las Fèstas) - Pèça de teatre en occitan « Transicion a Traucapairòls » sustitrada en francés amb *Les Galejaires*. A gratis.

Cars amics,

A la debuta del mes de mai se tenguèt a Nimes l'amassada generala de l'IEO, un acamp important per la vida de l'associacion, per far un balanç de l'annada, per tornar dire las nòstras orientacions, véser ont ne sèm dels projèctes, de las activitats, se felicitar de çò fait e discutir de cossí far mai, elegir un conselh d'administracion per èsser eficaces.

Las discutidas foguèron animadas, dels subjèctes que se'n parlèt, les vejaires desparièrs s'afrontèron; mas çò que cal retèner fin finala es que totes de l'IEO, qu'obram per l'occitan sèm capables de nos endevenir, de trapar compromeses per avançar, per contunhar le camin. Sabèm pas se ganharem ja que le camin es malaisit mas çò important es d'i anar amassa.

Perque cal plan viure amb son temps, se parla de mai en mai de las tecnologies novèlas e del ròtle d'internèt per la preservacion e la revitalizacion de las lengas minorizadas, que l'occitan ne fa part.

Çò màger es de tornar de visibilitat a la lenga e per aquò far, semblariá que les sites sus la tela, las rets socialas o autres blògs e plataformas foguèsson mèstres per escambiar dins la lenga en tocant un public novèl, mai jove e acostumat a aquels mèdias novèls.

Es tanben possible de trobar a gràtis, corses en linha, dictionaris, exercicis e forum de discutida per ajudar a l'aprendissatge. Atal, locutors confirmats o debutants se pòdon rescontrar quina que siá sa region e afortir sa practica de la lenga.

D'informaticians occitanistas trabalhan a la mesa en linha d'aisinas modèrnas per accedir a totjorn mai de contenguts : archius numerics, vidèos, tèxtes escrits o tota forma de documentacion. Tot aquò pòt servir als cercaires plan segur mas tanben als ensenhaires e als que vòlon aprèner.

D'autres encara trabalhan per far avançar la tecnologia de la traducion automatica o de la reconeissença vocala per que siá mai accessible l'occitan.

**01/06/2024** a Montaut - Festenal Celt en Òc (veire p. 3).

**07/06/2024 a 18h00** a Fogats (sala de la comuna) - *Sinèra La vie d'Espine de 1870 a 1910*: Alan Vidal nos'n presentarà le personatge e nos contarà testimoniages sus aquel temps; Intervencion de Joan Eygun sus l'autor Andrieu Lagarda; lectura o escota de tèxtes. Contacte: 05.81.06.03.88 o [ieo09@orange.fr](mailto:ieo09@orange.fr)

**08/06/2024 a 17h30** a Foish (capèla de Montgauzy) - Recital cantic amb Sandra Hurtado-Ròs, Gerard Zuchetto e Eric Fraj. Entrada: 8€ e 10€.

Contacte: 05.81.06.03.88 (IEO-Arièja)

**12/06/2024 a 10h00** a Castilhon (Bibliotèca) - Era Parlèra: un rendètz-vos per parlotèjar en occitan amb Joanòt e Odila. Contacte: 05.32.76.00.33.

**15/06/2024** a comptar de **14h00** a Palhèrs - Total Festum (veire p. 3). Entrada liura.

**26/06/2024 a 18h00** al Fossat (sala Multimèdia) - Projeccion « La lenga defenduda » seguida d'una animacion. Entrada liura, aperitiu ofèrt. Contacte: 05.81.06.03.88 o [ieo09@orange.fr](mailto:ieo09@orange.fr)

Se'n parlèt fa pauc a l'escasença d'un *Divendres de l'Espace occitan* amb una informaticiana que nos venguèt presentar le trabalh del Congrès permanent a prepaus de la socializacion e de la normalizacion de l'occitan.

La subrevida de l'occitan a mòda digitala es una question d'actualitat!

Ça que la, tot le monde se sabon pas servir de l'informatica; e mai i aja avantatges segurs ligats a l'emplec d'internèt, un apròchi mai tradicional de la trasmission que permet de far passar amb la lenga, valors e nòrmas socialas, es encara de favorizar pel nòstre public costumier.

Avèm l'astre dempuèi l'eleccion del nòstre CA novèl d'aver una administratritz que s'encarga de far dintrar l'IEO d'Arièja dins le sègle XXI, per çò qu'es de la comunicacion, atal entre totes, ac farem tot!

**Annia Wolf**

\*\*\*\*\*

**FOUGAX SALLE COMMUNALE**  
**Sinèra**  
LA VIE D'ESPINE DE 1870 À 1910  
**VENDREDI 7 JUIIN 18H00**

**ES AQUI**

Alain Vidal prête sa voix à l'oeuvre d'André Lagarde, pour l'édition du livre audio de Sinèra

EN PRÉSENCE DE L'ÉDITEUR ET AVEC ALAIN VIDAL

Contact: [ieo09@orange.fr](mailto:ieo09@orange.fr)  
05 81 06 03 88

**19<sup>ème</sup> Festival**  
Les Troubadours et chantent Occitanie  
du 17 mai au 20 octobre 2024

**RÉCITAL CANTIC - ERIC FRAJ**  
SAMEDI 8 JUIIN - 17H30

Sandra Hurtado-Ròs, auteur-compositeur  
Gerard Zuchetto, auteur-écritain  
Clain Mazon, violoncelle  
Apolline Ripet, harpico

Création 2024  
La poésie de Miquèl Harnin: c'est un ermite poétique, marginalisé par d'autres et parfois hostile, transmise en poésie par le monde d'une culture unique d'Occitanie et embrassant la beauté de l'ère.  
Son amour pour la nature sous toutes ses formes possède d'un "occitanisme" patois et dérivations.  
La poésie de Gérard Zuchetto est à la jonction de la première invention de la poésie lyrique de l'Occitanie, et de la poésie occitane contemporaine avec ses racines d'inspiration sur l'histoire universelle des civilisations.

Eric FRAJ est un poète, troubadour, conférencier, chroniqueur, mais aussi – et surtout – un chanteur. Accompagné par l'excellent guitariste Margat Artac, il nous fait découvrir:  
- des formes métriques ("Le poète à un poète qui a pas fait") – ce tout est de ce drame historique de la langue occitane ("L'Occitanie, des images poétiques"), des images poétiques ("L'Occitanie, des images poétiques"), des images poétiques, de l'humour et de nombreuses et essentielles questions, et fin à tout ce qui a nous non des de devenir autre: chanter en occitan provoquant, endosser un nouveau discours, incarner la musique d'un poète tout autre occasion pour en faire une chanson haute valeur: le poète devient ainsi un poète d'Occitanie, mais sa voix est encore dans sa voix, sa musique dans sa musique. C'est pour cette raison et toute celle qui que je chante l'Occitanie, pour le dévouement et la patience que m'offre – par delà le temps et la mort – un vrai poète".

Renseignements:  
IEO-ARIEJA 05 81 06 03 88

Trob'Art Productions 09 72 95 90 46 – 06 08 33 56 44  
[troubadours.ensemble@wanadoo.fr](mailto:troubadours.ensemble@wanadoo.fr) - [www.festival-troubadours-occitanie.fr](http://www.festival-troubadours-occitanie.fr)

ieo09@orange.fr - 05 81 06 03 88."/>

**MERCREDI 26 JUIN LA LENGA DEFENDUDA LA LANGUE INTERDITE**

UN FILM DE NILS MARTIN INSTITUT OCCITAN D'AVARON

Parle-moi...  
...PARLE FATOIS!

ENTRÉE LIBRE APERITIF OFFERT

SALLE MULTIMÉDIA 18H00

IEO 09 - UDAC

Contact: [ieo09@orange.fr](mailto:ieo09@orange.fr) - 05 81 06 03 88

\*\*\*\*\*

**Per èsser al fil...**

L'IEO Arièja: <https://arieja.ieo-opm.com/>

Lo Diari: <http://lodiari.com/>

Jornalet: <https://www.jornalet.com/>

Lo Congrès: <https://locongres.org/fr/>

**E per escotar...**

Paraulas de Louis Couderc: <https://youtu.be/ug7UecHvGgM>

Paraulas d'Irénée Lagarde: <https://youtu.be/uAHefzdG7OI>

Sus ARTE: <https://www.arte.tv/fr/videos/116040-044-A/tracks/>

## ESPECIAL TOTAL FESTUM

### Montaut - 31 de mai e 1<sup>er</sup> de junh de 2024

Le festenal a gratis *Celt en Ôc* festeja ja sos 10 ans, 10 ans al servici de la promocion de la cultura en mitan rural, per la rendre accessible a totes.

#### Al programa :

##### Divendres 31 de mai

19h30- Correguda/passejada en *kilt*. Inscricion sus <https://chronostart.com/inscriptions-listing/>

A comptar de 20h30- Concèrts amb *Frezinat*, *Les Tanneurs de Drac* e *Les Goulasmas'k*

##### Dissabte 1<sup>er</sup> de junh (plaça del castèl)

10h00-20h00- Mercat artisanal productors e creators


10h00-20h00- Animacion en musica amb *Bagad de Nimes*

10h00-17h00- Animacion Olimpiada altern de jòcs occitans, bretons..., tirs a l'arc

17h00- Concèrt (glèisa de Montaut) amb l'Escòla de Musica de las Pòrtas d'Arièja

A comptar de 18h00- Concèrts balètis amb *Les Gouëlans*, *Lune de Bière*, *The Green Duck*, *Toxic Frogs* e *Les Diabls de la Garrigue*

Begudas, restauracion sus plaça...



Informacions e contacte :

<https://festivalceltenoc.wixsite.com/festivalceltenoc/programmation>

☎ : 06.95.30.50.34

\*\*\*\*\*



### Palhès - 15 de junh de 2024

Es la 4ena edicion organizada per la Lauseta de Pàmias per far dardalhar la cultura occitana dins Arièja. L'idèa es de prepausar un festenal intergeneracional, dubèrt a totes e a gratis.

Mercé al sosten de la Region Occitània/Pirenèus-Mediterranèa, le Total Festum fa descobrir la cultura occitana dins son actualitat e sa modernitat.

Aqueste eveniment federator prepausa una programacion festiva e pedagogica sul tèma de las fèstas de St Joan, pels estatjants d'Arièja e d'endacòm mai.

#### Al programa :

14h00- Dubertura del site

14h30- Espectacle dels Calandrons de Pàmias

15h30- Grand Jòc (1h30) : La granda enquesta de polícia sus las traças de l'Occitan

17h00- Espectacle « Terre à Terre »

17h40- Emission de ràdio en dirècte sus plaça e en occitan en partenariat amb Radio Transparence.

#### E la vrespada tota...

Jòcs de fusta gigants per totes, iniciacion grafiti...

18h30- Aperitiu concèrt amb *LOKAMINO*

20h30- Concèrt amb *LA MAL COIFFÉE*

22h15- Concèrt amb *BRAMA*

00h00- Bal trad'electrò amb *OUAIS*

Begudas, restauracion sus plaça...

Informacions e contacte :

<https://www.facebook.com/events/769992521928373?ref=newsfeed>

☎ : 06.21.29.56.05



## **Tres capitanis**

Tres batèus son partits en cèrca d'orizont,  
Ohé.  
Amb tres capitanis, e pel cap del mond,  
Enfin...  
Un còr per somiar, braces per ramar, e sul pont,  
Aspre,  
L'aiga gisclava de l'èrsa qu'èra pas mai una onda,  
Blava.  
La corbadura del cèl coma una popa intocabla,  
Ohé,  
Acabèc dins la nuèit negra sens lum ni astre.  
Sols.

E l'orizont fugidís als desirs caritables,  
D'ièr,  
A las pòrtas del *Léviathan* s'es dubèrt un infèrn.  
Perdon.  
En mar la vida tanben nos vestís de dobte,  
Non dit.  
Tres capitanis se n'anèron, ne tornèc pas un sol ;  
Malaür.  
Perqué se la tèrra es redonda ont pòt anar la rota ?  
Perduts.  
Çò que cresèm daïssar nos espèra per un dòl ;  
Sòm.

**Jacques Pince  
(abril de 2024)**

\*\*\*\*\*

## **Roge coma una pivèla**

Quand nívols, nivolasses e nivelets s'arrossegan o corren dins le cèl, pensam per de bon que son brumas. Mès que nani nos enganam ! Ja que son en realitat les sòmis dels òmes que s'escapan en tropeladas cap al país dels sòmis.

Un jorn de mai, per un cèrç descabestrat, les sòmis... perdon las nívols... galaupavan a bon tren cap al levant. Brumeton, un nivelet pichonet trigava mal de sièguer ; atupit de cansièra estrabuquèc a una granissa, s'esparrèc, perdèc coneissença e tombèc, tombèc... ducas que s'amorrèsse dins un òrt de curat.

Le paure nivelet perdut sus tèrra, luènh dels sieus e de la vota del cèl, se vesia a tot jamès perdut ; alavetz se botèc a pregar Nimbarius le dieu de las brumas, preguèc tant e tant qu'al cap d'un moment le dieu denhèc plan intercedir :

"- Ié,chi ès tu per me tant pregar ?

- M'apèli Brumeton, me som perdut sus tèrra e vòli tornar a mon país.

- E d'ont venes ?

- Vèni de luènh, d'una nuèit que m'escapèri de la sòm d'un òme que s'encantava de femnas totas nudas, tan polidas las unas que las autras.

- E quun sòmi dolent que me fas ! As pas vergonha ? ça li diguèc le dieu. Per la paga demoraràs sus tèrra, clavelat pel sòl. Meritas pas de tornar al país dels sòmis."

Alavetz, òm sap pas s'es de vergonha o de contrarietat, le nivelet rogisquèc tant e tant qu'a fòrça se mudèc en una pivèla espelofida de mila petalas.

Desempuèi se ditz "roge coma una pivèla". Se pr'en cas al primtemps la una venguèsse a crosar le vòstre camin, badatz-ne plan sa beutat malengalhada e benlèu i devinaretz la mèrca del paure Brumeton, le sòmi vergonhós.



**Alan VIDAL**

\*\*\*\*\*

**Le 1<sup>er</sup> de junh de 2024 a 11h  
Recampament davant la Comuna de Pàmias o la Prefectura de Foish**

**Per que poscam viure dins nòstras lengas  
Modifiquem la Constitucion !**

**Collectiu « Pour que vivent nos langues »**